



Ямде лий

ВЛКСМ МАРОБКОМЫН ОРГАНЖЕ

Адрес: Йошкар-Ола, Совет пöрг, "Ямде лий" редакций.



МОСКВА

ВКП(б) ЦК—СТАЛИН йолташлан СССР СНК—МОЛОТОВ йолташлан

"Георгий Седов" героический ледокольный пароходым Гренландский тенгызысе ий-шамыч кокла гыч лукмо шотышто Тендан заданийын первый ужашыжым шуктым. 1940 ий 13 январьште 12 часат 07 минутышто "И. Сталин" ледокол "Георгий Седов" ледокольный пароходын бортошко дек миен шогалын. Пароход экипажын членже-шамыч чыланат таза улыт. Заданийын кокымшо ужашыжым шукташ тунгалынам.

СССР СНК пеленсе Главсевморпуть начальник
И. ПАПАНИН.

"И. Сталин" ледоколын бортошко, Гренландский тенгы,
1940 ий 13 январьште налме.

МОСКВА, КРЕМЛЬ

СТАЛИН йолташлан

Таче, 13 январьште, 12 часат 07 минутышто Арктический флотын флагманже "Иосиф Сталин" ледокол, партий ден правительствын заданийым шуктен, мемнан корабль бортошко дек толын шогалын. 812 кече жап шуйнышо "Седов" ледоколын дрейфше пытен.

Ме советский ең-шамыч дене моткоч кугун йывыртмаш чувство дене вашлийын улына. Нине ең-шамычым мемнан йоратыме родина, мемнан партий, правительство да лично Тый, Сталин йолташ, мемнан ий пленгыч утарашлан Арктикын кукшо широталашкыже колтен улыда. Ме Тыйын, шерге Иосиф Виссарионович, заботедым пүтынь дрейф мучко постоянно шижын шогышна. Мемнан ледовой ийын коштмашнан благополучно пытышашыжлан ушанымашна мемнан ик минутланат пытен, огыл. Мемнан нимогай шукылык лудыктен огыл ме шинчен шогенна, что мемнан шенгелнына мемнан куатле родина шогат, тудо кеч кудо мигыштат мланна полшаш толеш.

Тыйын, Сталин йолташ, лумет эн нелэ минутлаште мемнан вдохновлятен, Тыйын лумет дене ме кеч могай нелылыкымат сенаш каенна да нуным сенен улына. Ме родиныш шкенан корабль дене пöртылына, кудым жестокий стихийын чыла ударже-шамыч умбачат, арален кодымо. Ме родинын благожлан, мемнан наукалан пайдалын, пораженийым шинчыдыме мемнан большевистский партийлан пайдалын пашам ышташ тичмашын виян да ямде лийын Кугу Мландыш пöртылына. Тылает, родной Иосиф Виссарионович, пламенный салам да Тыйын заботыланет пеш кугу тау!


"Седовын" экипажше: БАДИГИН, МЕГЕР, ШАРЫПОВ, ГАМАНКОВ, БУТОРИН, ТРОФИМОВ, ПОЛЯНСКИЙ, ЕФРЕМОВ, БУЙНИЦКИЙ, АЛФЕРОВ, БЕКАСОВ, СОВОЛЕВСКИЙ, ГЕТМАН, ТОКАРЕВ, НЕДЗВЕЦКИЙ.

1940 ий 13 январьште налме.



Синкыште: (шола гыч пурлашке) Паймерова Зина ден Яндуков Эчан руш йылме дене занятийлан ямдылалтыт (Кукнур средней школа, Шернур район).

Фото Е. П. Конаковин.



"Седов" ледокол.

Комсомольский активын погынымашыже лийын

Тений 13—14 январь кечылаште, Марийский АССР Верховный Советын заседаний залешыже комсомольский активын областной погынымашыже лийын. Погынымаште ВЛКСМ Центральный Комитет X Пленумын итогшым обсуждалыме.

Погынымаште ВЛКСМ райком секретарь шамыч, райкомол-шамычын школьный молодежь ден пионер-шамыч отделыштын вуйлатышышт, писатель ден поэт-шамыч участвоватленят. Тыгак калык образованый районный отдел-шамыч вуйлатыше, республикысе ончыл учитель-шамыч, школьный комсомольский организаций-шамычын секретарышт да средний школасе старший пионер-вожатый-шамыч участвоватленят. Погынымаште чылаже 200 утла ең лийын.

Погынымаш деловой Президиумыш 27 еным сайлен. Нунын коклаште ВКП(б) Марийский Обком секретарь-шамыч Кушнарев, Мамаев, Ончуков, Чебоксаров йолташ-шамыч, ВЛКСМ Обкомын секретарьже-шамыч Темерешев, Шербаков, Камелина, Замятин йолташ-шамыч, Марийский АССР Верховный Совет Президиум Председатель Кавалеров йолташ, Марийский АССР Совнарком Председатель Абрамов йолташ, Просвещения нарком Е. Музуров йолташ улыт.

ВЛКСМ Центральный Комитет X Пленумын итогшым мерген докладым ВЛКСМ Маробком секретарь Темерешев йолташ ыштен.

Темерешев йолташ шке докладшытыже коммунизм

ыштыме пашаште советский школын кугу верымналын шогымыжо нерген, школышто учительын кугу рольжо нерген ойла. Тыгак тудо школаште дисциплиным пенгыдемдыме да успеваемостьым кызыктымб нерген посна фактым ончыктен-раш каласкала.

Шуко школаште дисциплина лужкыдо. Заданийым шуктыдымаш, учебный режимым пудыртмаш, озорство, хулиганство факт-шамыч ятыр уледат, манеш Темерешев йолташ. Теве Йошкар-Оласе 2-шо №-ан школышто 837 ученик гыч 205 ученик поведенийлан "плохо" оценкым налыннат. Шернур районсо средний школаште первый чырыкыште успеваемость 23,45 процентш шуэш. Йошкар-Оласе 9-ше №-ан школышто первый чырыкыште успеваемость 62 процент велэ ыле. Кодшо ийыште республика мучко 8500 второгоник ыле.

Комсомольский организаций-шамыч недисциплинированность, хулиганство,

озорство да успеваемость улно улмо факт-шамыч дене позорно миритлат. Нуно шкеныштым кажне второгоник верч, дисциплиным нарушатлымын кажне случайже верч ответственныйлан огыт шотло. Тидланак дисциплиным нарушатлыман да успеваемостьым улно улмашыже лийын шогат.

Тыгак Темерешев йолташ школьный комсомольский организаций-шамычым пенгыдемдаш, пионерский пашам вияндаш кумло нерген ойлен.

Доклад деч вара прений лийын. Пренийште учитель, комсомольский паша-ең, пионервожатый, писатель, поэт-шамыч, чылаже 35 ең утла кутыренят.

Погынымаш калык вожде великий Сталин йолташлан саламан псымам пеш кугун кумыл нолталмаш дене приматлен.

Тыгак погынымаште ВЛКСМ ЦК X пленумын решенийже-шамычым пүтынек одобритлен, ик ой дене резолюцийым приматлыме.



Захарьинский начальная школан (У-Тот "ял район") IV-ше классыште стаино тунемше Лежнина Настя сктягерок-шамычлан В. И. Ленинын йоча да тунемме жапсе илышыже нерген кынам лудеш.

Фото Д. Г. Зверевин.

СЕДОВ" ЛЕДОКОЛЫН ГЕРОИЧЕСКИЙ ДРЕЙФС

СТАЛИНСКИЙ ЗАДАНИЙ ЧАПЛЫН ШУКТАЛТЫН

1937 ийын октябрь тыл-зыште „Седов“, „Седов“ да „Малыгин“ ледокольный корабль-шамыч Лаптевых тенгызш дрейфш лектын. Нине корабляште 217 ег лийын.

Лаптевых тенгыз гыч пароход-шамыч Северный Ледовитый океаныш дрейфоватлен лектын. Корабль-шамычын передвижени-йштым пүтн эл чот эскерен. 1938 ий телым нунын деке Советский Союз Геройжо-шамыч А. Алексеев, П. Головин да известный полярный летчик Ю. Орлов чонештен миен. Тикси бухта гыч самолет-шамыч дрейфоватлыше суда-шамыч деке тузем километран луддым рейсым ыштен. Нуно корабля гыч материкш 184 егм конден. Тушан эше 38 ег кодын.

Кодшо ийын августышто дрейфоватлыше суда-шамыч деке „Ермак“ ледокол миен. Тиде 83-шо параллель вес могырышто лийын. „Ермак“ „Садком“ да „Малыгиным“ нелэ ий кокла гыч луктын. „Седовын“ рулевой управленийже кугун локтылатын улмаш, садлан тудо шкетын каен кертын огыл. А „Ермак“ ий коклаште винтшым пудыртенат, садлан шке почешыже „Седовым“ нангаен кертын огыл.


Тыге латвич доброволец-шамыч рвезе капитан-комсомолец Константин Бадигин вуйлатыме почеш Центральный Арктикын ий умбаланже кодын. „Седовын“ знаменитый дрейфше тугалын.

Полярный бассейнын центральный ужашыже нерген ме пеш шагал шинчен. Кодшо курымын 90-шо ийлаштыже тыште „Фрам“ судна дене знаменитый полярный исследователь да путешественник Фритюф Нансен дрейфоватлен. „Фрамысе“ экспедиций ийгече нерген сведенийым поген, океанын келгытшым висен. Ятыр жап ученый-шамыч лач тиде материал-шамычым гына кучылтын.

Нансен Северный полюсыш логалнеже улмаш. Но тушко верешташ логалын огыл. Дрейф „Фрамын“ полярный бассейнын турыс зонаже мучко нангаен. Арктикын Центральный ужашыже исследоватлы-деак кодын.

Турло исследователь-шамычын полюсышко кучык жаплан чонештымышт да

Советский Союз Геройжо Е. Федоровын
статьяже гыч



„Седов“ ледоколын капитанже К. С. Бадигин (шолаште) ден помполит Д. Г. Трофимов йолташ-шамыч.

походым ыштымышт Центральный Арктика нерген мемнан шинчымашнам шуко кугемден огыл. Лач советский дрейфующий экспедицийлан велэ Северный полюс районышто да полюс ден Гренландский тенгыз коклаше областыште первый гана раш научный наблюдений-шамычым ышташ логалын. Центральный

ген. Тиде исследований Ледовитый океанын природы нерген мемнан шинчымашнам кугын нблта. Ледовитый океан гыч толшо йушто арктический юж ийгечылан могай вашталтышым ыштымыштым ученый-шамыч шотыш налын кертышт манын, природым эскерымышт нерген седовец-шамыч суткаште ятыр




Арктикыш верештыше кумышо куснылшо научный лабораторийлан „Седов“ ледокол шотлалтеш.

Иян дрейф „Седов“ ледоколом Новосибирский острова ден северо-западш, Северный Мланде да Франц-Иосиф Мланде ден ятырак север велчын нангаен да Шпицберген ден северо-востокуштыла улош точкиш конден. „Седовын“ корныжо „Фрамын“ дрейфоватлыме линий ден северо-востокуштыла улеш.

„Седовын“ героический экипажше пүтн дрейф мучко турло научный исследованийым ыштен шо-

гана материкш увертарен шогенат.

Седовец-шамыч Ледовитый океанын келгытшым висат. Тиде пашам ышташлан, нунылан чот тырша-штыш логалын. 1937 ийыш-



те плаванийш лекмеке, „Седов“ кугу келгытан районлашке логалаш шонен огыл. Садлан корабляште келге тенгызым висаш йорышб трос уке улмаш. Дрейф суднам Центральный Арктикын нангаен, а тыште океан 4000 метр де-чат келге.

Седовец-шамыч тросым шке ямдыленат. Нуно кужу куртнб воштыр канатым ронченат да тудын дене пентгыде, вичкыж тросым ыштенат. Шке ыштыме трос вич гана кұрыштын. Но седовец-шамыч брын огытыл, паша ыштымым чарнен огытыл. Келгытым шинчашак кулеш улмаш. Нуно кудымышо тросым ыштенат, тудын дене пытартыш жап марте пашам ыштенат.

Седовец-шамыч магнитный измеренийым ыштен шогенат, тяжестин вичкым определитленат, дрейф районыш животный-шамычын ылышыштым эскеренат. „Седовын“ дрейфоватлыме каже кечыжат советский наукин пашажлан служитлен.

Дрейфын кок ий жапыштыже корабльын ужашыже-шамыч пудыргылынат. Но седовец-шамыч нуным героически тыршыме дене торлатылынат. Нуно рулевой механизмом ремонтированат, машинным уэш погеныт, корабльым чиялтенат.







Кодшо ий дрейфлан ик ий темме годым „Седовын“ экипажше Сталин да Молотов йолташ-шамыч ден кучык телеграммным налын.

Кугу таум ыштыме да партий ден родиным чот йоратыме мут дене нуно тиде телеграммлан вашмутым пуэныт.

Седовец-шамычын мутышт-пентгыде мут. Ко Ленин—Сталин знамя дене шке йоратыме социалистический родиныжын пиалже верч кучедалеш, тудо сена. Моло семын лийын огеш керт. Тыге ыде ожно, тыге лиеш ончыкыжат.

Седовец-шамыч денат тыгак лийын. Нуно Сталинский заданийым чаплын шуктеныт!

Седовец-шамыч ий умбалане 812 кече лийынат. Кок ий жапыште 2750 километрым ий умбач дрейфоватлен каенат.



„Седов“ ледоколын героический экипажше (кушыч улыкб): гидрограф В. Х. Буйницкий, капитан старший помощникше А. Г. Ефремов, коммашо механик С. Д. Токарев, кумышо механик В. С. Алферов, старший радист А. А. Полянский да радист Н. М. Ветасов.

„Седов“ ледоколын героический экипажше (кушыч улыкб): боцман Д. П. Буторин, доктор А. П. Соболевский, кочегар И. И. Гетман, повар Н. В. Мегер, машинист Н. С. Шарипов, 1 класс машинист И. М. Недавецкий да матрос Е. И. Гаманков.

ИЗИ ЙОЧА-ШАМЫЧЛАН

ИКТЫЖЕ ВЕСЫЖЫМ ТИТАКЛА

Л. Квитко.

Шинча вўдшым
Уштылал,
Пырысна колтыш
Кудал.
Шинчам
Уштыл вел шукта—



Нерыш
Шинча вўд йога;
Шукта нёржым
Эрыктен,
Вола ёрышыш
Йоген.
— Ну, мо нерген
тый?

Мо нерген?
— Мый огыл,
Пий шолыштеш,
Мыйым ужит
Титакеш!
Пий ик мутым
Ойлыде,
Вондер коклаш
Кудале.
Пий пуным укшер
Чот куреш

Укшерым пий
Ырлен пуреш.
Йбсын лупша
Почшо ден,
Шортын
Шойыко ончен.
— Ну, мо нерген
тый?

Мо нерген?
Мый огыл,
Пырыс шолыштеш,
Мыйым ужит
Титакеш!
Удыр
Аважлан ойлен:
Уйым
Нёрепеш шылташ,
Да замок ден
Тукылаш!
Аважат
Тыгак ыштен.
Пий ден
Пырыс
Шинчылден
Шортын колтышт
Мугырен.

— Ну, мо нерген те?
Мо нерген?
Кузе кертат
Ойгырде,
Шинча вўдым
Йоктарде?
Уй шылталтын
Кёршекеш,
А кёршекше
Нёрепеш,
А нёрепше
Замокан.

Удыр
Кидшым шуялтен,
Аважлан
Йышт каласен:
— Ончо,
Вот кё шолыштеш?



Вор улеш
Тидыжат,
Вор улеш
Тудыжат!

Рушла гыч
Антонов Ивук
кусарен.

ИЗИ БОЕЦ-ШАМЫЧ

Таче леве кече,
Ок пуал мардеж.
Олык, идым—пече—
Койын ошемеш.
Идым—печылаште
Рвезе-влак лўшкат,
Шошым олыклаште
Кузе мўкш ызга.
Нуно лум курчакым
Чумыртен шынден,
Кид олмеш тормакым
Шындышт керылден.
„Пуйто ты курчакна
Самурай улеш,
Ме хасан геройла
Лектына вашеш“.—
Пётыр кычкыралын



Чылаштлан ойла;
Колтыш лумым налын
„Самурай“ вуйлан.
А молышт тўналыч
Шолемла почкаш,
„Самурайын“ вуйжым
„Пуля“ ден лочкаш.
Икте колтыш—катлыш
Нерже тўн гычак;
Весе шолен колтыш—
Возо кид—тормак...
Нуно ик минут гыч
Ыштышт шокте гай,
Вара кўзен тошкышт
Ыш код самурай.]

Азманов Тойбылат.



И О Л А Г А И

С. Гордецкий

Кажныжын уло
Урок:

Агытанлан
Ку-ре-ку,

Кукулан
Шўдō ку-ку.

Урат кыркала:
Цок-цок!

Кушто пўкшым—
Цок!—мумаш?

Чоткан коеш

Пырысна:

Мяу-мяу, кок гана!
Мяу-ко да мяу сам,
Мяу-мяу калбасам.

Вует черланен
Аман!
Жап шуко
Кечывал шумеш,




Лияш ученый
Йбсō пеш.
Пеш сай ыле
Пёрт ўмбалне
Гулятлаш!
Тўнык деке
Кўзен шинчын,
Шыма йолым
Лывырташ,
Тыртыш тупым
Пўгырташ да
Нералташ.

Антонов Ивук
кусарен.


ШКОЛА



Сумкым налын
Ваче ўмбакше
Пыштен
Книжка ден пырля
Тамле кочкиш—
Кок колям,
Кўйыкталме
Мокш падрашым.
Школ тичак
Йўк шергылтеш:
Шиште
Азбукым лудеш!



Пий ден пырыс шинчылден
Шортын колтышт мугырен.



Учитель Кошкин географий урокышто светын ужашыже нерген умылтара. (Захарятский начальный школа, У Тор'ял район). Фото Д. Зверевын.

Мыланна Визит

У ВИЙ ДЕНЕ

Каникулым мый кугу куанымаш дене эртарышым: первый чырык семынак кокимшо чырыкымат лач отлучно отметка-шамыч дене гына пытарышым. Нине отметка - шамыч мыланем яра логалын огытыл. Нуным первый сентябрь гычак уло вийым пыштен тунемаш туналме дене гына налын кертынам. Жапым моштен кучылтат гын, ту-

немаш уло кумыл дене пажат гын, тунемашат куштылго. Вот тидым мый эре шинчен шогем.

13-шо январьште мый у вий дене парт коклаш шинчым. У вий дене кумышо чырыкыштат „отлично“ гына тунемаш пажам.

Иванов Петр.

Косолапово район,
Кугу-Рыял НСШ,
5-ше „А“ класс.

АЛЕША ПОЛШЫШ

Мый алгебра дене начарын тунемам ыле. Первый чырыкыште тиде предмет дене пыкше гына „посредственным“ налым. „Посредственно“ дене серлагаш ыш верешт. Полшашлан Кузьмин Алеша йолташем ужым, тудо тидлан келшыш. Ме коктын заниматлаш тунална. Эн первыйк Алеша чыла правил-ша-

мычым умылтарен пуыш. Тудо мыланем йодыш-шамычым пуэда, а мый отвечаем ыле. Тыге алгебра дене ятыр шинчымашым налым. Кокимшо чырыкыште алгебра дене мыйынат „хорошо“!

Шишкин Эчук.

Морко район,
Весьшурго НСШ.

Кайык-шамычым пагалыза

Кайык-шамыч мыланна кугу пайдам кондат. Кенжежым турлб шукшым, копшангым пытараш полшат. Ик манаш нуно мемнан лишыл йолташна улыт. А тельым шукыж годым кочкаш муын огыт керт. Садланак мыланна кайык-шамычым пукшымашым организоватлаш кӱлеш. Тиде пеш кугу польш лиеш.

Мый кайыкым изинекак пеш пагалем. Нуным нигунама ом обижае. Мемнан ялысе южо йоча-шамыч кайыкым лӱдб дене кучат да орландарат. Тиде осал койш. Мый порт-воктеңсе садеш кайык-шамычым пукшаш верым ыштенам. Тушко кажне кечын кинде пудыргым, нӱшмым луктын оптем. Кайык-шамыч тушко тушкан погынат да йывыртен кочкыт. Мыланем кугу тау ыштышыла велӱ койыт.

Айста, йоча-шамыч, кайык пукшымашым организоватлена, нунын пайдашт нерген умылтарена.

Соколов Алеша.

Цибикнур средний школа,
7-ше „А“ класс
Йошкар-Ола район.



Йошкар-Ола Пионер портисб рукодельный кружок паашште.

Фото М. Чуршуковын.



Занимательный круг шамыч



Тиде сӱретын кок кругласе букваше-шамычым моштен ушыза. Буква-шамычым посна порядок дене лудын каяш кӱлеш. Тӱжвалнысе да кӱргӱ кругласе предложений-шамычым ушымеке, те желанийым паледа.

Метаграмма

„Е“ дене—кугу вӱд,
„Э“ дене—жап.

Колтен

СЕРГЕЕВ НИКОЛАЙ.
Морко.

„Л“ дене—насекомый,
„Ч“ дене—кайык.

Колтен

Алексеев Николай.
Волжский район,
Обшияр НСШ.

Шарада

Палыза шарадем:
Ик слогшо—эгер,
Топливо—весежье.
Кумышым ешарза шке.
А чылаже—кайык.

Колтен
БУЛЫГИН КУЗЬМА.

У-Тор'ял район,
Немда средний школа.

Калык тушто

Йырже пече, покшелыже кече.

Колтен

БУЛЫГИН КУЗЬМА.

У-Тор'ял район,
Немда средний школа.

Логогриф

„К“ дене пычалып ужаш,
„К“ деч посна—школысо занятий.
Колтен КОРОТКОВ МАТВЕЙ.
Звенигово район,
Кугу-Шигах НСШ.

Йоча-шамыч!

Цинкографийын клишем ыштен шуктыдымжлан лийын, „Ямде лий“ газета 16 январь олмеш 17 январьште лектеш.

Редакций.

КУЗЕ СТИХЫМ ВОЗАШ

Йоча-шамычын стихым возаш пеш кугу желанийышт уло. Садланак мемнан редакцийыш кече еда 20—30 стих пура. Но нунын кокла гыч шукыжо печатлаш йӱршӱ огытыл. Первьяк нине стих-шамычыште ритме, рифме шотым шуктыммо огыл. Тугак образат уке.

Тематика шотышто, пиялым нуно кугу Сталин йолташым моkten мурымаш, родинам йоратымаш, школа илыш, природа тул верым налым шогат.

Стих возаш куштылго паша оұыл. Тудым возаш кеч кӱланат пеш шуко вийым пышташ логалеш. Эн ончычак сайын тунемаш, шуко лудаш кӱлеш.

Йоча-шамыч шуко годым ик-кок минутыштак „стихым“ возат да конвертыш пыштен редакцийыш колтат, вара „печатлаш“ лекмыжым вучат. Мутат уке, тыге ик-кок минутышто возымо „стих“ газеташ пурташ йӱршӱ ок лий. Шуко возаш, але вашкаш нигунамат тыршман огыл. Эн тул задачылан качество верч кучедалмашым шындаман.

Тиде статьяште ритме да стопа нерген кучыкым умылтарен пуем.

Первьяк, ритме нерген.
Ритме—тиде ик мынар жап гыч

ик гай пералтыш-шамычын повторитлаштыш. Мутлан: часын маятникным налына. Тудо кажне секундышто ик корным ышта, йу-кымат ик гайымак пуа. Тугак айдемын шӱм кырмашжымат ритмичный манаш лиеш. Тиде—илышыште.

А стихыште ритме—тиде кажне строкаште ик нар слог коч пералт шогышо мут пералтыш.

Ритме стихыште (силлабо-тонический стихосложении годым) чылаже визыт уло.

Кок слоган стопаште пералтыш первый слогеш логалеш гын, тыгай стихым хорей дене возымо манят. Мутлан:

Куй лонга гыч йолгыжалын
Шолын лекше ший памаш
Ош куэр умбач шыжалтын
Йоргыктен йога тораш.

(Шадт Булат—„Ший памаш“)
Пералтше слогым „I“ дене, пералтдыме слогым „—“ дене оңчыктена гын, тиде стихыште ударений (мут пералтын) тыге логалеш:

1 0 1 0 1 0 1 0
1 0 1 0 1 0 1 0
1 0 1 0 1 0 1 0
1 0 1 0 1 0 1 0

Тыгай пералтышым „хорей“ манят.

Кок слоган стопаште пералтыш кокимшо слогеш логалеш гын, тыгай стихым ямбе дене возымо манят. Мутлан:

Да южный кечын лекмыжгодым
Скала умбалне шогенан.
Изи йочала торштыл-модын
Шӱм вургыж-шолын онченан.
(Казаков Миклай—„Чеве-
рын Крым“).

Ударений тыге логалеш:

1 0 1 0 1 0 1 0
1 0 1 0 1 0 1 0
1 0 1 0 1 0 1 0
1 0 1 0 1 0 1 0

Тыгай пералтыш „ямбе“ лиеш. Кум слоган стопаште ударений первый слогеш логалеш гын, тыгай стихым дактиль дене возымо манят. Мутлан:

Курык йымалне тор олык
Порсын йолва гай йол корно
Шӱртӱыла чолгыж тура куй
Олык покшеке памаш вӱд шарла.

(„Памаш“—Ан. Бик.)
Ударений тыге логалеш:

1 0 1 0 1 0 1 0 1 0
1 0 1 0 1 0 1 0 1 0
1 0 1 0 1 0 1 0 1 0
1 0 1 0 1 0 1 0 1 0

Тесе тыгай пералтыш дактиль лиеш.

Кум слоган стопаште пералтыш

кокимшо (покшел) слогеш логалеш гын, тыгай стихым амфибрахий дене возымо манят. Мутлан:

Тый колшыч. Ту годсо жап эртыш.

Эл кушко. Вашталте чыла.
У шӱдыр элемым чеве-
ртыш, Пиялже мемнан ден пырля.
(Ан. Бик. „Мыйын шӱдырем“).

Ударений тыге логалеш:

1 0 1 0 1 0 1 0
1 0 1 0 1 0 1 0
1 0 1 0 1 0 1 0
1 0 1 0 1 0 1 0

Тыгай пералтыш „амфибрахий“ лиеш.

Кум слоган стопаште ударений кумышо (пытартыш) слогеш логалеш гын, тыгай стихым анапест дене возымо манят. Мутлан:

Куаналше шӱм дене элемым моkten,
Пиялан илыш пушо вождыам саламлем.

Йонгата пеш яндар кӱсле кылым перем,
Йонгата шарлаеш шӱшпык йук гай мурем.

(Чалай Васлий—„Йошкар Армыйыш каем“).

Ударений тыге логалеш:

1 0 1 0 1 0 1 0 1 0
1 0 1 0 1 0 1 0 1 0
1 0 1 0 1 0 1 0 1 0
1 0 1 0 1 0 1 0 1 0

Тыгай пералтыш „анапест“ лиеш.

Стопа нерген.

Ик нар слог гоч ударений ли-
йын шогымо дене нунын кокла-
ште ик нарак пералтдыме сло-
гшамыч улыт. Нине слог-шамыч
пералтше слог дене пырля посна
группым образоватлаш. Тиде
группым стопа манят. Мутлан:
ямбын стопаже „I“ лиеш, ты-
ште первый слогшо пералтдыме,
весе же пералтше; хорейым
„I—“, тыште первый слогшо пе-
ралтше, весе же пералтдыме; да-
ктильын стопаже „I—“, тыште
первый слог пералтше, коким-
шо ден кумышо пералтдыме улыт;
амфибрахийын „I—“, первый
слогшо пералтдыме, кокимшо—
пералтше, кумышо пералтдыме
улыт; анапестын „I—“, тунал-
тыш кок слогшо пералтдыме улыт,
пытартыш слогшо пералтше.

Кажне стих определенный раз-
мер дене возалтеш. Стихын пер-
вый корныжо ямбе дене возымо
гыч, чыла стих тугак кая. Риф-
моватлалтше строка-шамычыште
стопа шотат ик нарак лийман.

Ан. Бик.

Отв. редактор—
И. В. МУЗУРОВ.